



Халқ сўзи

Ўзбекистон — келажаги буюк давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2018 йил 21 август, № 172 (7130) Сешанба

Сайтмига ўтиш учун QR-коднинг телефонингиз орқали сканер қилинг.

АЗИЗ ВА ЯГОНАМСАН, ЖОНАЖОН ЎЗБЕКИСТОНИМ!



«Ўзаро ишонч ва дўстликнинг тикланиши барча интиқиб кутган воқеа бўлди»

Мутахассисларнинг фикрича, бугун Ўзбекистон амалга ошираётган тинчликпарвар, прагматик ташқи сиёсат минтақамизда туб "тектоник ўзгаришлар"га сабаб бўлмоқда. Бунинг исботи сифатида Тожикистон Президенти Эмомали Раҳмоннинг юртимизга давлат ташрифи ҳақида хориз оммавий ахборот воситаларида эълон қилинган материалларни кўрсатиш мумкин.

Хусусан, Франциянинг "Eurasia Times" таҳлилий журналида чоп этилган мақолада икки давлат

Eurasia Times

раҳбарлари мулоқоти тарихий аҳамиятга эгалиги эътироф этилган. Президент Шавкат Мирзиёевнинг ҳокимиятга келиши ва бошлаган ислохотлари нафақат Ўзбекистон, балки бутун Марказий Осиё миқёсида ўз таъсирини ўтказаяпти. Айниқса, Тожикистон билан ўзаро ишонч ва дўстликнинг тикланиши барча интиқиб кутган воқеа бўлди", дейилади материалда.

Тожикистоннинг "Dispatch News Desk" газетаси мухбирлари таъкидлаганидек, ўзбек дипломатияси сўнгги вақтда ниҳоятда муҳим қадамларни амалга оширмоқда. Расмий Тошкент дунёда кечаятган жараёнларда кузатувчи сифатида эмас, тўлақонли фаол субъект сифатида иштирок этаётди.

Энг муҳими, минтақада йиллар мо-

ДУНЁ НИГОҲИ



байнида тўпланиб қолган муаммолар ўзаро манфаатли асосда ҳал қилинди. Айниқса, ниҳоятда мураккаб ва нозик бўлган минтақа сув ресурсларидан фойдаланиш масаласи борасида ўзаро муроСага эришилгани тарихий воқеа бўлди.

АҚШнинг "Chicago Tribune" газетасида Ўзбекистон ва Тожикистон қўшни мамлакатлар бўлганига қарамай, узоқ йиллар давомида ўзаро товар айирбошлаш ҳажми паст даражада бўлгани айтиб ўтилади. Бунинг сабаби сифатида чегарани кесиб ўтиш билан боғлиқ қийинчи-

ликлар, транспорт инфратузилмасининг етишмаслиги, божхона ва солиқ тўсиқлари кўрсатиб ўтилади. Протекционизм сиёсати туфайли икки мамлакат фуқаролари ва ишбилармонлари алоқалари чекланган эди.

Эндиликда, деб ёзилади нашрда, расмий Тошкент очиклик ва ҳамкорлик сиёсатини

Chicago Tribune

намоён этмоқда, Душанбе эса дўстлик ҳамда самимият билан бунга жавоб бераётди. Жорий йил икки томонлама муносабатлар тарихида гоят муваффақиятли бўлди: йил бошидан буён турли даражаларда эллидан ортиқ учрашувлар бўлиб ўтди. "Олдинлари бундай жадаллик ва дўстликни ҳатто тасавур қилиб бўлмас эди".

Россиянинг "ТАСС" ахборот агентлиги тарқатган хабарда Ўзбекистон ва Тожикистон ўртасида стратегик шериклик тўғрисидаги шартнома имзолангани маълум

қилинади. Ҳужжатда мамлакатларaro шерикликнинг узоқ муддатли ва барқарор хусусиятга эгалиги таъкидланиб, ҳамкорликнинг асосий йўналишлари белгилаб берилган. Шартнома-нинг имзоланиши, россиялик журналистларнинг фикрича, ўзбек дипломатияси Тожикистон йўналишида амалга ошириб келаятган тизими ва изчил чора-тадбирларнинг мангидий натижаси бўлди.

Хитойнинг "Жэньминь Жибао" газетасида ташриф доирасида ўтказилган қўшма бизнес форуми ҳақида йирик мақола чоп этилди. Материалда шу йилнинг биринчи ярмида ўзаро савдо ҳажми 35,1 фоиз орт-



гани, савдо-иқтисодий ҳамкорлик бўйича ҳукуматларaro комиссиянинг тўртта мажлиси ўтказилгани эслатиб ўтилади.

Одамлар ислохотлар натижасини келажақда эмас, бугун ҳис қилиши керак, деган широр иш столимизда катта ҳарфлар билан ёзилганки, бошлаётган ҳар бир хайрли ташаббусимизда Президентимизнинг бу даъвати бизга жуда катта масъулият юклайди. Албатта, ҳар бир инсоннинг бахтли ва фаровон ҳаётини уйлаб олган ташланаётган дадил қадамлар ўзининг ижобий натижасини бермоқда. Одамларнинг ҳаётга, мамлакатдаги ислохотларга муносабати, дахлдорлиги ўзгарапти. Улар шунчаки кузатувчи эмас, ислохотларнинг фаол иштирокчисига айланапти.

Тақдирдан рози инсонлар юрти

Биргина Касби туманидан бунга жуда кўп мисоллар келтириш мумкин. Айниқса, давлатимиз раҳбарининг 2017 йил 8 августдаги "Худудларнинг жадал иқтисодий-иқтисодий ривожланишини таъминлашга доир устувор чора-тадбирлар тўғрисидаги" қарорига мувофиқ, худудларда туман ҳокими, прокурори, ички ишлар бўлими бошлиғи, давлат солиқ инспекцияси раҳбари бошчилигида секторлар фаолият кўрсатяпти. Одамларнинг хонадонларига боряпмиз, ҳақиқий турмушини, муаммоси, дардини ўрганапмиз. Уларга бугунги кунда амалга оширилган ҳар бир соҳадаги ислохотнинг мақсади, мазмун-моҳиятини тушуниришга интиляпмиз. Туман миқёсидаги масалаларни шу жойнинг ўзида ҳал қилаяпмиз. Тақдир яхши тарафга ўзгарган, иш топган, эътибордан кўнгли тоғдек кўтарилган инсонлар бундан яхши билишади.

Урганишларимизда шу маълум бўлдики, олдимизда турган энг катта ва долзарб масала — аҳолини иш билан таъминлаш, ҳар бир оиланинг мунтазам даромад манбаини яратиш. Бу бора-

да туманимизда белгиланган чора-тадбирларга асосан, йил давомида sanoat, хизмат кўрсатиш, қишлоқ ҳўжалигига оид 62,3 миллиард сўмлик 75 та лойиҳани ишга тушириш ҳисобидан 540 та янги иш ўрни яратиш лозим эди. Амалда бу лойиҳалар ўз вақтида рўйга чиқарилмоқда. 127 та тадбиркорлик субъектига 9,7 миллиард сўм кредит берилиб, 565 кишининг бандлиги таъминланди. Бу дегани шунча оилга тайинли даромад келадиган бўлди. Фаровонлиги ошди.

Бундан ташқари, халқимизнинг кам таъминланган, эҳтиёжманд оилалари ҳам диққат-эътиборда. Тумандаги 2 минг 230 та хонадонга парранда, чорва ва лимон етиштириш, иссиқхона қуриш учун 7,3 миллиард сўм кредит ажратилди. Тўғри, шу пайтга қадар ўзининг мустақил ишига эга бўлмаган, кредит муомаласи, олди-бердидан беҳабар одамлар айрим ҳолларда бу имкониятларни тўлиқ тушуна олмаган ёки ажратилаётган кредитлардан мақсадли фойдалана олмаганлар.

Депутат фикри

Ўзбекистон — Тожикистон: ПАРЛАМЕНТЛАРАРО АЛОҚАЛАР ЖАДАЛЛАШАДИ

Ўзбекистон ва Тожикистон Марказий Осиёдаги бир-бирига ҳар жабҳада чамбарчас боғланган мамлакатлар ҳисобланади. Икки халқнинг урф-одатлари, анъаналари, таомлари, куй-қўшиқ ва рақслари жуда ўхшаш. Икки халқ азалдан бир дарёдан сув ичган, қариндошлик, қуд-андалик ришталари билан мустақам боғланган. Шу боис уларни "икки тилда гаплашувчи бир халқ" ҳам дейишади.

Утган икки йил давомида мамлакатимиз раҳбари Шавкат Мирзиёевнинг оқилона ташқи сиёсати ва дадил саъй-ҳаракатлари туфайли икки мамлакат ўртасидаги ўзаро муносабатлар қайта тикланди. Йиллар давомида йиғилиб қолган гина-қудуратлар унутилиб, мавжуд муаммоларни биргаликда ҳал қилиш йўлида жадал ҳаракат бошланди. Айниқса, Ўзбекистон раҳбарининг

2018 йил 9-10 март кунлари Тожикистонга амалга оширган тарихий давлат ташрифи билан икки томонлама алоқаларда янги саҳифа очилди. Икки мамлакат ўзаро муносабатларида кузатилаётган ушбу ижобий ўзгаришлардан, биринчи навбатда, оддий одамлар манфаат кўрмоқда.

ОЛТИН, КУМУШ ВА БРОНЗА

Спортчиларимизнинг дастлабки медаллари шодасида барчасидан бор.



Шу кунларда спорт мухлисларининг диққат-эътибори Индонезиянинг Жакарта ва Палембанг шаҳарларида ўтказилаётган XVIII Осиё ўйинларига қаратилган. Мусобақанинг дастлабки кунлариданоқ вакилларимиз муваффақиятли иштирок этишни бошлашди. Терма жамоамиз ҳисобига биринчи олтин эркин курашчимиз Бекзод Абдураҳмонов (74 кг.) туҳфа қилди.

4-саҳифага қаранг

Халқимиз ҳамжиҳатлигининг ёрқин ифодаси

18-19 август кунлари мамлакатимизда умумхалқ хайрия ҳашари ўтказилди.

Ҳашар давомида қабристон ва зиёратгоҳлар тартибга келтирилди, ариқ ва лотоклар тозаланди, тураржой мавзёлари ва ховлилар, хиёбонлар саранжом-саришта қилинди. Биргина Экоҳаракат фаоллари ва талабалар томонидан "Юрт ободлигига ўз ҳиссангни қўш!" шиори остида ўтказилган тадбирларда 70 дан зиёд маданият ва истироҳат боғлари ободонлаштирилди.

Кадрият

Айни чоғда кексалар ва ногиронлиги бўлган шахслар, ёлғиз қариялар, кам таъминланган оилалар вакилларини моддий ва маънавий қўллаб-қувватлаш юмушлари ба-жарилиди. Хусусан, 16 мингдан зиёд кам таъминланган оилалар уй-жойи ҳашар йўли билан таъмирланди, 14 минг нафардан ортиқ ногиронлиги бор кишилар ва ёлғиз қариялар ҳолидан хабар олинди. — Қалбида меҳр жўш урган инсонлардан бир умр миннатдоримиз, — дейди қонлиқўлик Раима Хожабекова. — Уларнинг саъй-ҳаракати туфайли уйимиз кўркам қиёфага кирди. Юртимизда амалга оширилган эзгу ишлар бардавом бўлсин.

ламага муруват ёрдами кўрсатилди, — дейди Фуқароларнинг ўзини ўзи бошқариш органлари фаолиятини мувофиқлаштириш бўйича Навоий вилояти кенгаши раиси ўринбосари Акмал Шакарнов. — Масалан, 345 та оиланинг уй-жойлари таъмирланди, эҳтиёжманд оилаларга моддий кўмак берилди. Шунингдек, ногиронлиги бор кишилар ва ёлғиз қариялар ҳолидан хабар олинди. — Қалбида меҳр жўш урган инсонлардан бир умр миннатдоримиз, — дейди қонлиқўлик Раима Хожабекова. — Уларнинг саъй-ҳаракати туфайли уйимиз кўркам қиёфага кирди. Юртимизда амалга оширилган эзгу ишлар бардавом бўлсин.

Умумхалқ хайрия ҳашарида

16 миллион 440 минг нафардан ортиқ аҳоли иштирок этди.

Унинг 10 миллион 558 минг нафардан зиёди ёшлардир.

45 000 гектардан ортиқ майдон ободонлаштирилди.

57 000 тоннадан зиёд чиқиндилар чиқарилди.

Ўзбекистон Республикаси давлат мустақиллиги кўни байрамига

11 кун қолди.

ОЛТИН, КУМУШ ВА БРОНЗА

Спортчиларимизнинг дастлабки медаллари шодасида барчасидан бор.



Индонезиянинг Жакарта ва Палембанг шаҳарларида ўтказилаётган XVIII Осиё ўйинларида ўзбекистонлик спортчилар ўзларининг юксак истеъдод ҳамда маҳорат соҳиби эканликларини намойиш этишмоқда.



Мусобақанинг биринчи кунда спортнинг еттига турида қатнашган вакилларимиз яқунда 3 медалга сазовор бўлишди. Терма жамоамиз ҳисобига биринчи олтинни эркин курашчимиз Бекзод Абдурахмонов (74 кг.) тухфа қилди. У финалда қозғистонлик Данияр Қайсановга қарши баҳс юритиб, рақибини 3:2 ҳисобида мағлубиятга учратди. Бекзоднинг

ушбу олтин медали Ўзбекистон спорт делегациясининг Индонезиядаги XVIII Осиё ўйинларидаги биринчиси сифатида тарихга кирди. Қайд этиб ўтиш лозимки, мазкур чемпионлик Абдурахмонов учун Осиё ўйинларидаги иккинчи ғалаба ҳисобланади. Бунгача у 2014 йилда ҳам шохсупанинг энг юқори поғонасидан ўрин олишга муваффақ бўлган.

ди. Эътиборлиси, тўрт йил олдин ҳам айнан Бекзод делегациямизга илк олтин медални тақдим этган.

Яна икки курашчимиз — Магомед Ибрагимов (97 кг.) ва Сирожиддин Хасанов (65 кг.) делегациямиз ҳисобига бронза медалларни қўшиб қўйди.

Ушбу нуфузли мусобақада яна бир қувончли ҳолат кузатилди. Гап шундаки, Осиё ўйинлари тарихида делегациямиз ушу бўйича илк марта медални қўлга киритди. Ушунинг таулу йўналишидаги баҳсларда иштирок этган Дарья Латиева мусобақанинг финал босқичида чиқиш қилиб, 12 нафар спортчи ичда иккинчи натижани қайд этди ва кумуш медалга сазовор бўлди.

Шунингдек, кечаги баҳсларда спортчиларимиздан Ниёз Пўлатов, Нигора Турсунқулова ва Давит Модзманашивли муваффақиятли қатнашиб, терма жамоамиз жағфармасига битта кумуш ва иккита бронза медални қўшиб қўйди.

О. ЛУТФУЛЛАЕВ.

Ўзбекистон Миллий олимпия қўмитаси суратлари.

Танлов

Ватанимиз жамоли, халқимиз кайфияти — ижодкорлар нигоҳида

Опоқ тоғлар таровати, файзли кўчалар, қишлоқларимизнинг бугунги жамоли, шаҳарларимизнинг ойдин оқшомлари, халқимизнинг бунёдкорлик салоҳияти, одамларнинг кайфиятидаги кўтаринкилик...

Булар — Тошкент Фотосуратлар уйида Ватанимиз мустақиллигининг 27 йиллигига бағишлаб ташкил этилган "Энг улғу, энг азиз" кўрик-танловида тақдим этилган тасвирий санъат, фото-дизайн асарларида акс этган дилуш манзаралар. Муаллифлар уларнинг ҳар бирида "Азиз ва ягонаман, жонажон Ўзбекистоним!" деган эзгу гоани мўжассам этишга интилган.

Кўрик-танловнинг очилиш маросимида бу алоҳида таъкидланди. Таъбирда тегишли вазирлик ва идоралар раҳбарлари, танли ижодкорлар, оммавий ахборот воситалари вакиллари иштирок этди.

Кўрик-танлов Президентимизнинг шу йил 28 июндаги "Ўзбекистон

Республикаси давлат мустақиллигининг йигирма етти йиллик байрамига тайёргарлик кўриш ва уни ўқатиш тўғрисидаги қарори ижроси доирасида ўқатилмоқда. Танловнинг худудий босқичларида 150 дан ортиқ муаллифлар икки мингдан зиёд асарлари билан қатнашди. Сараланган 75 нафар ижодкорнинг 950 та асари республика босқичида ҳайъат аъзолари томонидан кўриб чиқилди.

Ҳалилар энг улғу, энг азиз байрамимиз арафасида тақдирланди.

Таъбирда танловнинг фаол иштирокчиларига эсдалик совғалар топширилди.

Дилшод ҚАРИМОВ, «Халқ сўзи» муҳбири.

«Бу анжуман дунё халқларининг ўзига хос санъат байрамига айланади»

Президентимиз Шавкат Мирзиёев ташаббуси билан Шахрисабз шаҳрида 6 — 10 сентябрь кунлари ўтказиладиган Халқаро мақом санъати анжуманига қизгин ҳозирлик кўрилмақда.

Мазкур анжуман муносабати билан айрим санъаткорларимизнинг фикрларига қулоқ тутдик.



Санъат

Баҳодир ЙЎЛДОШЕВ, Ўзбекистон Республикаси халқ артисти:

— Ватанимиз мақом санъатининг юрти ҳисобланади. Мамлакатимизда ҳар бир санага бағишлаб ўтказиладиган давлат тадбирлари мавзуси ва байрамнинг моҳиятидан келиб чиққан ҳолда саҳналаштирилади, алоҳида тайёргарлик билан ўтказилади. Мазкур анжуман сценарийси мақом санъати намуналаридан илҳомланган ҳолда биринчи марта саҳналаштирилмоқда. Айнан бизнинг юртимизда мақом санъати анъаналарининг қанчалик даражада сақланиб қолганлигини анжуманда намойиш этамиз.

Нуфузли тадбирнинг очилиш маросими Бухоро, Хоразм ва Тошкент-Фарғона мақом йўналишлари бўйича мусиқий чиқишлар билан бошланади. Унда муҳлис-лар Шахрисабз ёш мақомчилари ва Юнус Ражабий номидаги "Мақом" ансамбли томонидан "Бузрук", "Рост", "Наво", "Дугоҳ", "Сегоҳ", "Ироқ" мақом намуналаридан композициялар тинглайдилар.



Маҳмуд ТОҲИБОВЕВ, Ўзбекистон Республикаси халқ ҳофизси.

— Мақом шундай илоҳий қудратга эгаки, у кўнгилни губордан тозалайди, юракка эзгу мақсадлар жойлайди. Америкалик олимлар бу борада тажриба ўтказган экан: улар бир гуруҳ ёшларга жаз мусиқасини, бошқа гуруҳга мумтоз мусиқа намуналарини тинимсиз, бир неча соат давомида эшиттирибди. Ишонсангиз, жаз мусиқасини тинглаган ёшларда ҳаддан ташқари асабийлик, адоват ҳолатлари, мумтоз мусиқа тинглаган ёшларда эса одамийлик, меҳр-мухаббат туйғулари ошганлик ҳолатлари намойён бўлибди. Бундан хулосани ўзингиз чиқариб олаверинг.

Уйлаймизки, Шахрисабзда ўтказиладиган Халқаро мақом санъати анжумани санъатсевар халқларни миллий мусиқамизнинг бетакрор навалари, мумтоз мақом намуналаридан баҳраманд этади. Бу анжуман дунё халқларининг ўзига хос санъат байрамига айланади.

Рашидаҳон ҲАСАНОВА ёзиб олди.

РЕКЛАМА ВА ЭЪЛОНЛАР

000 «Butlash Garant Servis»

предлагает бетономешалки российского производства

- 1. Бетономеситель гравитационный MC-200**
Технические характеристики:
MC-200, геометрический объем барабана — 200 л, время перемешивания — 120 секунд, объем готовой смеси — 110 л, объем загрузки — 150 л, номинальная мощность — 1 кВт, напряжение питания — 220 В/50 Гц, вес — 66 кг.
- 2. Бетономеситель гравитационный СБР-500А.1**
Технические характеристики:
СБР-500А.1, геометрический объем барабана — 500 л, время перемешивания — 90 секунд, объем готовой смеси — 270 л, номинальная мощность — 1,5 кВт, напряжение питания — 380 В/50 Гц, вес — 270 кг.

Форма оплаты — перечисление.

000 «Butlash Garant Servis» реализует бетономешалки российского производства со склада в Ташкенте.

Адрес: г. Ташкент, Сергелийский р-н, ул. Олтин водий, 29А.
Телефоны: (+99897) 760-86-00, (+99890) 370-86-86.

Micros POS-СИСТЕМЫ И АВТОМАТИЗАЦИЯ

ТОРГОВЫЕ ТОЧКИ / МАГАЗИНЫ / СУПЕРМАРКЕТЫ

- ✓ Торговые точки (магазины/супермаркеты)
- ✓ Бутики, непродовольственная розница
- ✓ Рестораны, кафе, бары
- ✓ Фитнес-клубы, бильярдные, боулинги и т. д.

ЛИЦЕНЗИОННОЕ ПРОГРАММНОЕ ОБЕСПЕЧЕНИЕ

АТОН Microinvest аудитид

✓ СВОЕВРЕМЕННАЯ ПОСТАВКА / АВТОМАТИЗАЦИЯ ПОД КЛЮЧ

(+99871) 200-34-34 (доп. 18) | www.micross.uz | scales@micross.uz | info@micross.uz

Чековые принтеры, сканеры штрих-кодов, дисплеи покупателя, POS-терминалы и моноблоки, весы с чекопечатью.

«ELXOLDING»

ЮК ТАШУВЧИ МОТОЦИКЛЛАР

Тўлов шакли — турлича ва кредитга.

Тел.: (+99893) 330-50-00, (+99871) 239-12-54.

Манзил: Самарқанд ш., Гагарин к., 36-уй. Мўлжал — «КИНАП» заводи.

МИНСК АВТОМОБИЛЬ ЗАВОДИ

Беларусь Республикаси

Расмий дистрибьютор Тошкентдаги омбордан тақлиф этади.

Тел.: (+998 93) 555-00-95, (+998 93) 555-12-88, (0-371) 291-68-94.

www.maz.by
E-mail: mazlashkent@mail.ru

Халқ сўзи Народное слово

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 845. 78 048 нусхада босилди, ҳажми — 2 табоқ, офсет усулида босилган. Қоғоз бичими А—2. Баҳоиси келишилган нархда.

Муассислар: Ўзбекистон Республикаси Олий Мажлиси Қонуқчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси

ТЕЛЕФОНЛАР:
Девонхона (0-371) 233-52-55;
Котибонат (0-371) 233-10-28; Эълолар (0-371) 232-11-15.

«Шарқ» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41. УЗА яқуни — 22.30 Тошйирлиди — 22.55 2 3 4 5 6